



COMUNU DE FURTEI

PROVÍNCIA DE SU CAMPIDANU DE MESU

CÓPIA

DELIBERATZIONI N. **49**

sa dì: **03.07.2012**

VERBALI DE DELIBERATZIONI DE SA GIUNTA COMUNALI

CHISTIONI:

**DIRETIVAS A SU RESPONSÀBILI DE SU SERVÌTZIU TÈCNICU PO
SEGAI E PUDAI UNAS CANTU MATAS DE SA BIDDA**

S'annu **DUAMILLADOXI** sa dì **TRES** de su mesi de **ARGIOLAS** a is ses de merì me in s'aposentu de is atóbius, fatas prima totus is cosas naradas me in sa Lei chi c'est imoi, funt stétius tzerrius oi a s'atóbiu is componentis de sa Giunta Comunali.

A sa tzerriada ci funt:

CAU Dr LUCIANO	P
LEO TOLMIRIO	P
MANZARI ANTONIO	A
NONNIS ANDREA	P
PRINZIS PAOLETTO	A

Assistit su Segretàriu Comunali Sennori **COSSU DR. GIANLUCA** chi fait custu verbalì.

Biu ca su nùmunu de is chi ci funt est comentì narat sa lei, su Sennori **CAU DR. LUCIANO** comentì a s'indigu pigat sa presidéncia e narat ca est obertu s'atóbiu po fueddai de sa chistioni ca est narada apitzus.

SA GIUNTA COMUNALI

BIDA sa delibera cosa sua n° 38 de su 29.05.2012, innoi ddoi funt Diretivas a su Responsàbili de su Servitziu Tènicu po sa manutentzioni de su birdi pùblicu;

CUNSIDERAU ca funt acabendu is traballus naus apitzus, innoi no fiat prevèdiu de segai e pudai is matas;

RITÈNNIU sèmpiri po sa cura e manutentzioni de su birdi urbanu, e puru po sa siguresa stradali, de dèpiri pudai unas cantu matas a fustu artu, e sciusciai unas cantu matas a fustu artu/mesanu, totus de edadi no prus manna de 10-15 annus no monumentalis e chentza caraterísticas de calidadi particolari, e po cuscus si mandat a is tabellas chi sighint, ca funt fadendu scòncius a is marciapiedis e a is murus de is domus de afaci e a bortas abasciant sa visibilitadi e sa percorribilitadi de sa bia;

- MATAS DE PUDAI

Cantidadi matas	Logu	Riferimentu
N° 10 mannas	Bia A. Silenu parti a manu bella e manu manca	Viali de matas po su campu sportivu
N° 1 piticas	Bia Circonvallazione civ. 11-15	Acanta ex palestra

MATAS DE SCIUSCIAI

Cantidadi matas	Logu	Riferimentu
N° 3 piticas	Bia G. Deledda civ. 1-5	Acanta domu Onnis Fabrizio
N° 3 mannas	Bia G. Deledda civ. 7-9	Acanta domu Nonnis Rossano
N° 3 mesanas	Cursu Vittorio Emanuele III civ. 111-115	Acanta domu Atzei Renzo
N° 1 manna	Bia Circonvallazione civ. 40	Acanta domu Pinna Aniceto
N° 1 mesana	Bia Circonvallazione civ. 42	Acanta domu Pinna Aniceto
N° 4 mesanas	Bia Circonvallazione civ. 65-71	Acanta domu Cadeddu – Mura m.
N° 3 mesanas	Bia Casteddu de ingruxeri Rio Mortu a ex depuradori manu bella concas su sartu	Acanta lotu f.lli Podda
N° 1 mesana	Pratza Giovanni XXIII mata sicada	Acanta domu Caddeo Adamo
N° 5 mannas	Bia A. Silenu manu bella e manu manca, matas sicadas e in prus	Viali de matas po su campu sportivu

CUNSIDERAU ca su Comunu no tenit in orgànicu is traballadoris e is ainas chi serbint po fai custus interventus, e po custus c'est abisòngiu de donai foras s'incàrrigu a dita formada e specializada me in su setori;

RITÈNNIU duncas dèpiri nai a su Responsàbili de su Servitziu Tècnicu de apariciai totus is àutus chi serbint po donai s'incàrrigu a dita de foras, chi est possìbili locali, po pudai e sciusciai is matas chi eus nau;

TENTUS is pareri naus apitzus segundu su chi narat s'art. 49 e s'atestatzioni chi narat s'art. 151 - 4° coma – de su D.Lgs. 18 austu 2000 n.267;

TOTU custu nau prima;

CUN votus ugualis po totus donaus comentis narat sa lei;

DELÍBERAT

- de donai a su Responsàbili de su Servitziu Tècnicu totus is adempimentus de cumpetèntzia po apariciai is àutus chi serbint po sa sighidura e sa solutzioni de s'interventu nau prima;

- de dichiarai, pustis de una votatzioni uguali po totus, custu àutu esecutivu luegus segundu su chi narat su coma 4, art. 134 de su T.U. (D.Lgs. 267/00).

Lìgiu, aprovau e sutascritu:

**SU PRESIDENTI
FIRMAU CAU DR. LUCIANO**

**SU SEGRETÀRIU COMUNALI
FIRMAU COSSU DR. GIANLUCA**

PARERIS PREVENTIVUS

Segundu su chi narat s'art.49, coma 1 de su D.Lgs. 18 austu 2000 n. 267 si donat pareri favorèvoli po sa regolaridadi TÈCNICA e/o CONTÀBILE, de sa proposta de deliberatzioni formalizada cun custu àutu:

**REGOLARIDADI TÈCNICA
SU RESPONSABILI DE SU SERVITZIU
Firmau Sergi Geom. Antonio**

**REGOLARIDADI CONTÀBILI
SU RESPONSABILI DE SU SERVITZIU**

—

- Si certificat ca custa deliberazioni, segundu su chi narat s'art. 32 de sa Lei 18.06.2009, n. 69, est publicada me in s'Albu Pretoriu on line sa dì 10/07/2012 e at a abarrai publicada po 15 dis de sighida.

- Benit mandada in còpia a dì de oi a is Capugrupus Consiliaris segundu su chi narat s'art. 125 de su D.Lgs 18.8.2000 n. 267.

Sa dì, 10.07.2012

SU SEGRETÀRIU COMUNALI
FIRMAU COSSU DR. GIANLUCA

CERTIFICAU DE ESECUTIVIDADI

Si certificat ca custa deliberatzioni est bessida esecutiva segundu su chi narat s'Art. 134 de su D.Lgs267/00:

. Passaus 10 dis de sa publicatzioni (. .) - Art.134, coma 3° de su D.Lgs 267/00.

. Est stètia dichiarada luegus eseguibili - Art. 134 - coma 4° de su D.Lgs 267/00

Sa dì,

SU SEGRETÀRIU COMUNALI
Firmau COSSU DR. GIANLUCA

Cópia cunformi a s'originali, in paperi liberu, po manixu aministrativu.

Furtei, su

Su Funtzionàriu Incarrigau